



## Información ADMISIÓN para 2024/2025

Toda a **INFORMACIÓN do proceso de admisión**, incluído un manual de axuda para as familias, está dispoñible en: <https://www.edu.xunta.gal/admisionalumnado>

Acceden así á **APLICACIÓN "AdmisionAlumnado"** na que poden cubrir a **SOLICITUDE DE ADMISIÓN** (marcar os criterios do baremo que, chegado o caso, queiran que se valoren) e presentala a través da **sede electrónica** da Xunta de Galicia (utilizando Chave365, certificado dixital ou dni electrónico). Tamén poden cubri-la na aplicación, imprimila e asinala para presentala presencialmente no instituto no que solicite praza en primeiro lugar (ou presentala nos lugares e rexistros conforme a normativa do procedemento administrativo común).

Lémbrese que co documento de **SOLICITUDE de admisión** (Anexo II) **deberán achegar o ANEXO II-bis** para a comprobación de datos dos membros computables da unidade familiar e do consentimento da outra persoa proxenitora, titora ou acollidora. En todo caso, terase en conta a composición da unidade familiar na data 01/03/2024, agás os datos económicos (renda e IPREM) que serán os relativos ao **exercicio fiscal 2022**.

En todo caso deberá achegar a seguinte **documentación** (e calquera outra que sexa necesaria e lle requira o instituto):

- Copia do **libro de familia** onde figure o/a alumno/a e os demais membros computables da unidade familiar (de non ter libro aportará un certificado de convivencia dos membros computables da unidade familiar onde conste a data de alta).
- **Se é o caso**, sentenza xudicial de separación ou divorcio e/ou convenio regulador onde conste a custodia do/da menor.

### **NOTA INFORMATIVA:**

1. O alumnado poderá pedir ata seis centros por orde de preferencia (e alegar os criterios de admisión que pretenda que se lle valoren), presentándoa no centro solicitado en primeiro lugar. **Despois de presentar unha solicitude de ADMISIÓN, para RENUNCIAR a ela deberá facerse expresamente**, indicándoo no recadro correspondente da nova solicitude de admisión que presente noutro centro.

2. O alumnado que teña prioridade para continuar estudos nun centro de adscrición pode exercer o seu dereito á reserva de praza presentando solicitude de reserva no centro adscrito, isto é, no que está matriculado nese momento, e identificará o centro de adscrición que solicita.

3. En todo caso, a solicitude de reserva ou de admisión é **única para cada alumno/a e ten carácter VINCULANTE**. A súa presentación implica que son certos os datos indicados nela. A existencia dunha solicitude de ADMISIÓN presentada en prazo sen renunciar expresamente á anterior e, así mesmo, a existencia dunha solicitude de admisión sen ter renunciado á praza RESERVADA a 28 de febreiro (este incluído) poderán ser **causa de PERDA DO DEREITO a participar no procedemento** nos termos previstos no artigo 8.

#### **PRAZOS DO PROCEDEMENTO DE RESERVA E ADMISIÓN:**

- Presentación de solicitudes de **reserva** (para 1º ESO) nos colexios adscritos (CEIP As Bizocas e CEIP Valle-Inclán): do 15/01/24 ao 05/02/24.
- Publicación da **listaxe de alumnado con posto RESERVADO**: o 22 de febreiro.
- Presentación de **solicitudes de admisión**: do 1 ao 20 de marzo.
- Presentación da **documentación acreditativa para baremar**: nos 10 días hábiles seguintes, do 21/03/24 ao 05/04/24.
- Publicación da **listaxe PROVISIONAL** de alumnado admitido: o 25 de abril. (Prazo de reclamacións: 5 días hábiles seguintes, ante o Consello Escolar).
- Publicación da **listaxe DEFINITIVA** de alumnado admitido: o 15 de maio. (Impugnación: presentación do recurso de alzada no prazo dun mes, ante a Xefatura Territorial).
- Prazo de **MATRÍCULA na ESO**: do 23 de xuño ao 7 de xullo.

#### **OUTRA INFORMACIÓN:**

- Centros adscritos: CEIP As Bizocas e CEIP Valle-Inclán.
- Centro de adscrición para estudar Bacharelato: IES Monte da Vila
- Servizos complementarios: transporte escolar.
- Lémbrese que o alumnado que solicite e obteña praza nun centro escolar que

non estea na área de influencia que lle corresponda (domicilio familiar ou lugar de traballo das persoas proxenitoras, titoras ou acolledoras) non terá dereito aos servizos complementarios de comedor e/ou **transporte escolar**.

**INFORMACIÓN ACTUALIZADA DO PROCESO DE ADMISIÓN** na aplicación "AdmisionAlumnado" (<https://www.edu.xunta.gal/admisionalumnado/>), as familias poderán consultar:

- a) O cronograma coas datas dos trámites principais.
- b) A previsión de postos escolares dispoñibles.
- c) A relación do alumnado de cada curso, co número da solicitude de admisión asignado pola aplicación.
- d) O estado de tramitación da súa solicitude (utilizando o número de solicitude e o número de DNI da persoa solicitante).
- e) A listaxe do alumnado con posto reservado e a listaxe provisional e definitiva do alumnado admitido coa puntuación total e do alumnado non admitido (utilizando calquera dos mecanismos de identificación admitidos pola sede electrónica da Xunta de Galicia, incluíndo o certificado dixital e a Chave365).

#### **NORMATIVA REGULADORA DO PROCEDIMENTO:**

- [Decreto 13/2022, do 3 de febreiro](#), polo que se regula a admisión de alumnado en centros docentes sostidos con fondos públicos que imparten ensinanzas de segundo ciclo de educación infantil, de educación primaria, de educación secundaria obrigatoria e de bacharelato reguladas na Lei orgánica 2/2006, do 3 de maio, de educación.
- [Orde do 21 de outubro de 2022](#) pola que se desenvolve o Decreto 13/2022, do 3 de febreiro, e se regula o procedemento de admisión do alumnado nos centros docentes sostidos con fondos públicos que imparten ensinanzas de segundo ciclo de educación infantil, de educación primaria, de educación secundaria obrigatoria e de bacharelato reguladas na Lei orgánica 2/2006, do 3 de maio, de educación (códigos de procedemento ED550A, ED550B e ED550C).
- [Orde do 26 de maio de 2023](#) pola que se desenvolve o Decreto 157/2022, do 15 de setembro, polo que se establecen a ordenación e o currículo do bacharelato na Comunidade Autónoma de Galicia e se regula a avaliación nesa etapa educativa e

derroga o artigo 44 da Orde do 21 de outubro de 2022 pola que se desenvolve o Decreto 13/2022, do 3 de febreiro, e se regula o procedemento de admisión do alumnado nos centros docentes sostidos con fondos públicos que imparten ensinanzas de segundo ciclo de educación infantil, de educación primaria, de educación secundaria obrigatoria e de bacharelato reguladas na Lei orgánica 2/2006, do 3 de maio, de educación (códigos de procedemento ED550A, ED550B e ED550C).